



Pou Piblikasyon Imedya: 06/09/2022

GOUVÈNÈ KATHY HOCHUL

GOUVÈNÈ HOCHUL REVELE ANTRE LIRR KI PI LAJ AK PI KLERE NAN PENN STATION

Antre 33rd Street la apeprè double nan lajè

Yon plafon klere 18 pye wotè soti nan metwo seventh Avenue rive nan Eighth Avenue

Tout pwojè Antre LIRR la pral fini nan prentan 2023

Foto Antre LIRR la yo disponib [isit la](#)

Gouvènè Kathy Hochul te revele jodi a yon Antre nan Long Island Rail Road ki pi gwo nan Penn Station. Ekip yo te elaji antre a nan 57 pye, ki te 30 pye anvan, epi yo te leve plafon yo nan 18 pye. Antre a detire soti nan Seventh Avenue toupre metwo 1/2/3 pou rive nan Eighth Avenue toupre metwo A/C/E epi kounye a gen 9,500 pye kare limyè LED nan plafon ki ka pwograme pou chanje koulè. Re-ouvèti antre a - alè ak dapre bidjè a - se yon pa an avan pou yon rekonstriksyon Penn Station pou tounen yon tèminal klas mondal modèn, ki laj, ki gen yon nivo inik ki ouvri pou limyè natirèl. Rekonstriksyon antre LIRR Penn Station lan se youn nan twa gwo pwojè k ap transfòme eksperyans pasaje LIRR yo nan mwa k ap vini yo, ansam ak ouvèti sèvis nan Grand Central Madison ak ouvèti yon nouvo twazyèm vwa sou Liy Prensipal la.

"Penn Station se pa sèlman sant transpò ki pi frekante nan Amerik di Nò, li se tou kè Vil New York k ap bat, epi depi twò lontan li pa te founi yon eksperyans Nouyòkè yo merite", **Gouvènè Hochul te deklare**. "Jodi a, n ap leve twati Penn Station lan — literalman ak senbolikman — epi pave wout la pou yon pi bon avni pandan n ap revele yon antre Long Island Rail Road ki pi laj ak pi klere. Nou nan yon pa pi pre pou nou fè Penn tounen yon sant transpò klas mondal epi fè New York vin yon vil ki pi fasil pou viv, epi ke yo renmen anpil".

Chak jou, plis pase mwatye nan 600,000 itilizatè Penn Station yo pase nan antre LIRR la, ki gen ladan plis pase 200,000 pasaje LIRR Penn Station yo. Lè pwojè Antre LIRR la fini nan kòmansman ane 2023, eksperyans kliyan an nan Penn Station pral amelyore anpil tou nan:

- Nouvo sistèm mekanik ki pèmèt pi bon sikilasyon lè ak plis volim lè fre;
- Aksesibilite amelyore ki gen ladan yon nouvo antre pou asansè, ranplasman kat asansè ak nouvo sistèm komunikasyon asansè;
- Oryantasyon entwifit; epi
- Plis opsyon pou komès ak manje.

Prezidan ak Direktè Egzekitif Jeneral MTA, Janno Lieber, te deklare, "Antre LIRR ki pi laj, ki pi klere sa a se jis yon apèsi sou sa k ap vini an -- non sèlman pou pasaje LIRR men pou tout Nouyòkè yo. Gouvènè Hochul te bay priyорite pou repare Penn Station, epi pwojè sa a montre MTA pare pou l fini transfòrme ti tèminal Nouyòkè yo te soufri avèk li depi plis pase 50 ane pou tounen yon etablisman klas mondal".

Prezidan Pwovizwa Long Island Rail Road la ak Prezidan Metro-North Railroad la, Catherine Rinaldi, te deklare, "LIRR te fè yon lòt pa nan direksyon pou transfòrmasyon li a pou tounen yon chemennfè modèn, ki pi fleksib epi ki pi aksesib. Nouvo plafon ki wo yo, limyè klere, pi bon sikilasyon lè ak aksè amelyore yo kreye yon espas ki pi konfòtab ak akeyan pou tout moun".

Prezidan Konstriksyon ak Developman MTA a, Jamie Torres-Springer, te deklare, "MTA kontinye atenn etap enpòtan nan pwojè a alè epi revele nouvo plafon ki pi wo yo ak antre ki pi laj la se yon siy bagay ki pral rive nan Penn Station lè nou fini pwojè sa a epi pase nan rekonstriksyon konplè estasyon an. Sa a se jis kòmansman gwo amelyorasyon pasaje Penn Station pral fè eksperyans apati otòn sa a".

Pwojè Antre LIRR ki revele jodi a gen 380 milyon dola nan finansman eta ak 30 pouzan nan kontra yo akòde ak biznis minorite ak fanm yo posede. Depans total pou koridò a se 559 milyon dola.

Konstriksyon an te kòmanse nan Pwent Lès Pasrèl la nan jen 2019 kote li [te ouvri pou publik la](#) nan mwa desanm 2020.

Nan mas 2022, yo te retire sèt gwo pout ba ki peze dis tòn ke yo konnen enfòmèlman kòm "[Head Knockers](#)" (Frapè nan Tèt) - ki istorikman te limite wotè pasaj yo nan Penn Station nan 6 pye, 8 pouz. Estrikti anlè Penn Station yo gen yon sistèm ankadreman estriktirèl inovatè ki sipòte yo kounye a, ke Skanska/AECOM te enstale.

###